

飾詐故 聖明在上法令修舉而迄今網漏者也曾謂堂堂 聖朝而反任其
趾梁以長其毒虐也哉國言藉藉衆怒齊激請從惟輕之典流竄遐裔 荅曰
依啓姜得李佑先罷後推可也諫院連以李佑遠竄事論啓累日始命中道付
處○以金南重為司諫院正言南重故相命元之孫也為人善良而剛果不足
且乏文學之稱李景義為弘文館副校理○夜流星出織女星下入貫索星上
艮方有氣如火○己酉特命朴炆為咸平縣監俞伯曾為伊川縣監羅萬甲為
江東縣監三人皆鯁直敢言職居經幄糾劾官邪而一時補外識者莫不嗟惜
閔聖徵為全羅道觀察使聖徵性本苛刻且多顛妄之事而以其有治劇之才
故歷試方面之任以李景稷為開城留守李敬輿為弘文館典翰金堉為侍講
院文學堉性本端實且有志操曾在昏朝絕意科舉躬耕山谷頗有古人之風
及至反正首以學行擢用朴潢為弘文館博士韓興一為藝文館奉教○廢人
光海君有病 上遣內醫賫藥往救○庚戌都體察使張晚從事李敬輿往南
漢山城審察築城形止及功役書啓以聞 上以詔使時用餘扇帽等物優賞
工匠○上遣內醫看石議政申欽病○辛亥 上朝講孟子于資政殿領事尹
昉曰本兵之意欲先行籍軍之舉此是蕩滌逃故之急務但若先行籍軍之法